



QVÆSTIO MEDICA,

CARDINALITIUS DISPUTATIONIBVS
MANE DISCVTIENDA, IN SCHOLIS
Medicorum, die Iouis septima Martij,

M. NICOLAO PIETRE,
DOCTORE MEDICO,
Moderatore.

An Paralyfi sudorifica?



QVÆS neruorum affectus conuul-
sionis & paralyfis ambitu continen-
tur: illâ contenduntur nerui summo
cum doloris cruciatu, hâc relaxantur
nullo doloris sensu: aduersi omnino
hi duo affectus coherent quandoque,
vnâque existunt: huius ut & illius causa multiplex,
atque illa est morbus, similis, organicus, commu-
nis. Paralyfim sæpius parit obstructio familiaris ner-
uis, ut qui laxiore sint substantia cerebri consimili.
Conferti nerui humore calido frigidove, tenui vel
crasso, non admittunt animalem spiritum, quo vno

55

vigent; vnde languent illi, quā & torpent eæ partes, in quas distribuuntur, vt nec mouere nec moueri queant, quandoque etiam sentire non possint. Accedit & accidit paralyſi ἀμαρτία, vt illa propriè priuatio ſit motus voluntarij, cuius participes partes duntaxat reſoluuntur, putà nerui duri, molleſce, muſculi, quæ prima & præcipua ſunt motus voluntarij instrumenta.

QVI paralyſim cōmittit humor, prodiſt è cerebro, quandoque è viſceribus, ſæpius è venis. Cerebrū tenuioris & ſeroſi humoris fons eſt vberri-
mus, is excurrens per varias corporis partes innumeros morbos eoſque graues procreat, conuulſionem, paralyſim, aſthma, febrem, lenteriam, arthritidem: non leuioreſ profert in ventriculis cerebri conſiſtens; hoſ enim ſi intercludat, oboriuntur apoplexia & epilepſia, graues adeo affectus, vt ægroſ peſſumdent. Annon illa paralyſis cenſenda? quid-
ni; cum motum vnāque ſenſum omnino adimat, adeoque corpus vniuerſum reſoluat, vt talis ſit in vniuerſo corpore apoplexia, qualis eſt in dimidio
ἡμιπληγία, in ſingulis partibus παραπληγία? Meſenterium viſcerum quaſi ſentina eſt, graue illud excrementis, deponit quandoq; onus in lumborum neruos ex quibus produciſtur, vnde incidit paralyſis, quam fere antecedunt diri ventris cruciatus colici doloris æmuli: vt & hi viciffim paralyſim conſequuntur, bilis quaſi æſtu reciproco. Venæ adiacent neruis, vt ſi quando illæ impuro turgeant ſanguine,

quasi nausea abundæ in propinquos neruos cum euo-
mant. Sua quoque nerui impertiunt venis vitia;
conuulsio soluitur liberali vrina, vt facilis sit vena-
rum & neruorum sympathia.

SVDORIFICA, quæ perhibentur guaiacum,
sassafras, & alia innumera, calore excellunt, &
tenuitate partium pollent singulari; adeoque colli-
quandi vim obtinent, vt coaguli vice fungantur,
cuius vi crassior lactis pars coalescit in caseum, te-
nuis & serosa effluit: fundunt siquidem sanguinem
soluuntque in serum, & quod in sanguine crassum
est, cogunt & densant, vt illa non sint alia ab vreti-
cis: sanè sudoris & vrinæ eadem materia, idem ge-
nerationis modus. An vt vretica vberem feri co-
piam progignunt, vrinam verò non cient: sic quæ
habentur idrotica, sudori duntaxat materiam abun-
dè suppeditant, sudorem non mouent? Guaiaci qui-
dem liberali etiam potu sudor nunquam prodiret,
ni ille vaporariis & corporis operimentis prouoca-
retur. Atque vt vretica tophaceis concretionibus
(quæ fiunt in renibus & vesica) diluendis nocent
plurimum: sic idrotica illa vulgaria eo quo præstant
calore, soluendis obstructionibus omnino aduer-
santur.

SVDOREM promouent, quæ foris summum
corporis habitum calefaciunt, vnâque cutem
soluunt & relaxant, putà è calda fots, foculi in le-
ctum stragulis munitissimū & arte arcuatum immis-

fi. At his non est sudor temerè ciedus, exoluit ille vires, exhaurit corpora, nec enim erūpit modò serum superfluū prodit vnà succus alimentarius, non nihil etiā substantiæ solidarum partium effluit: languida sudore natura morbi curationē suscipere, aut susceptam absolueri nequit, vt longo tempore morbus moretur, vel breui sit rediturus: sæpius noxij humoris nihil exprimitur, accenduntur duntaxat spiritus, inflammanur humores, concitantur, vnde febres, catarrhi mouentur. Sudori longè præstat ἐφιδρωσις & ea quidem in ischiade, paraplegia, cæterisque partium affectibus ἀεγρωτικῶς tentanda, vt sine virium dispendio & corporis perturbatione, vel sensim exudet inutilis humor, vel sine sensu expiret.

P Araly sis curatio haud adeo difficilis, si maturè, opportunè, nec aliena adhibeantur remedia. Ergo parte recens resolutâ, vixdum insidente neruo humore, institutâ victus ratione quæ contemperet, quam primùm corpus exhauriendum est clystere frequenti, detractione sanguinis interuallis repetita, purgatione crebra, sed blandâ. Hac arte estu humoris composito, tempestiuè obstructio reserabitur ecphracticis, eccatharticis, quibus qui neruum occupat humor, in halitū solutus expirabit: demum expeditus neruus firmabitur adstringentibus quibus minimū caloris insit. *Εκφραξις* molientur & humoris qui obstructionem continet, iuuabunt excretionem medicamenta eum foris admouenda, tum intus sumenda, quæ temperie non adeo calida prædita tenui;

orem sunt sortita consistentiam. Expiratio procurabitur resolutæ partis fotu, motu, frictionibus, quæ & ad robur parti conciliandum longè superant balsami etiam Peruuiani vires. Nerualia vulgò dicta calidiora, theriaca, mithridatium, aqua vini stillantia, vretica, idrotica præcipue chymica, verè fusoria, & colliquantia, aliena sunt & Paralysis curationi omnino aduersa remedia, vt iis fiat illa contumacior, aut prorsus incurabilis.

Non ergo Paralyfi sudorifica.

Propugnabat Lutetiæ GVLIELMVS BELET,
Parifinus, Anno R. S. H. M. DC. XIX.

LVTETIÆ PARISIORVM,

Prostant Exemplaria apud NICOLAVM BOISSET,
Typographum, in Platea Malbertina,
ad insigne Diui Stephani.

M. DC. XLVII.

*Le name est dans le semil inflex des thèses
de la faculté tome III p. 589 -*